

leam ceud thoradh an fhearainn, a thug thufa, a Thighearna, dhomh: agus cuiridh tu e 'am fianuis an Tighearna do Dhé, agus ni thu aoradh^a 'am fianuis an Tighearna do Dhé.

11 Agus ni thu gairdeachas anns gach *ni* math a thug an Tighearna do Dhia dhuit, agus do d' thigh, thu féin, agus an Lebhitheach, agus an coigreach a *bhios* 'nar measg.

12 'Nuair a chuireas tu crìoch air deachamh a thoirt feachad, *cadhan* uile dheachamh do chinneis^b air an treas bliadhna, bliadhna an deachaimh, agus a bheir thu e do'n Lebhitheach, do'n choigreach, do'n dilleachdan, agus do'n bhantraich, a chum gu'n ith iad an taobh a shìgh do d' gheataibh, agus gu'n faichear iad;

13 'An sin their thu 'am fianuis an Tighearna do Dhé, Thug mi leam na nithe naomha as *mo* thigh, agus mar an ceudna thug mi iad do'n Lebhitheach, agus do'n choigreach, do'n dilleachdan, agus do'n bhantraich, a réir t'aitheantan uile a dh'àithn thu dhomh: cha do bhris mi *h-aon* do t'aitheantaibh, ni mò a dhi-chuimhnich mi iad.

14 Cha d'ith mi *bheag* dhiubh a'm' bhròn, ni mò a ghabh mi *bheag* dhiubh gu *feum* neo-ghlan *san bith*, ni mò a thug mi *bheag* dhiubh air son a' mhairbh: dh'éisd mi re guth an Tighearna mo Dhé; rinn mi a réir nan uile nithe a dh'àithn thu dhomh.

15 Amhairc anuas o ionad-còmhnuidh do naomhachd, o neamh, agus beannaich do shluagh Israel, agus am fearann

a thug thu dhuinn, mar a mhionnaich thu d'ar n-aithreachaibh, fearann a tha fruthadh le bainne agus mil.

16 Air an là'n diugh dh'àithn an Tighearna do Dhia dhuit na reachdan agus na breitheanais sin a dheanamh: uime sin coimhididh agus ni thu iad le d' uile chridhe agus le d' uile anam.

17 Rinn thu roghainn^c an diugh do'n Tighearna gu bhì 'na Dhia dhuit, agus gu gluasadh 'na shlighibh, agus gu reachdan a ghleidheadh, agus àitheanta, agus a bhreitheanais, agus gu éisdeachd r'a ghuth.

18 Agus thagh^d an Tighearna thufa an diugh gu bhì a'd' shluagh fònraichte dha féin, mar a gheall^e e dhuit, agus a chum gu'n gleidheadh tu àitheantan uile;

19 Agus a chum gu'n deanadh e ard thu os cionn nan uile chinneach a rinn e, ann an cliu, agus ann an ainm, agus ann an urram, agus a chum gu'm bith-eadh tu a'd' shluagh naomha do'n Tighearna do Dhia, mar a labhair e.

C A I B. XXVII.

AGUS dh'àithn Maois agus seanairean Israeil do'n t-sluagh, ag ràdh, Gleidhibh na h-aitheantan uile a *tha* mi ag àithneadh dhuibh an diugh.

2 Agus tarlaidh air an là anns an d'théid sibh thar Iordan do'n fhearann a bheir an Tighearna do Dhia dhuit, gu'n cuir thu suas dhuit féin clacha mòra, agus còmhdaichidh tu thairis le h-aol iad.

3 Agus

^a à lhradh.
bhair. Eabb.

^b phisich, fhàs.

^c dh'àidich thu.

^d rògtuich.

^e la-